

# «Sa vischinar empè da sa cumbatter»

Manifest per l'introducziun dal rumantsch grischun en scola



DA GION NUTEGN STGIER / ANR

**L'idea che tut ils uffants rumantschs da l'emprima classa emprendan a scriver e leger en rumantsch grischun, detti forza da crair en in avegnir cuminaivel, dian las iniziantas ed ils iniziants da la «Pro Rumantsch». Il manifest per introducir ina lingua unificgada è l'antschè.**

Ils adversaris dal rumantsch grischun èn gia dapi in temp activs, quai cunzunt en Engiadina, en Surselva ed en Val Müstair. Las uniuns «Pro Idioms» han success era sche per singuls iniziants da quella stat plitost la carriera politica en il center che la lingua, quai ch'è natiral era lur bun dretg. Donn è dentant che vegn masdà politica e lingua, che pervia da las dispetas per il rumantsch grischun sa distanztescha la Rumantschia danovamain e che en las vischnancas che han gia introduci il rumantsch grischun en scola regia ina tscherta malsegirezza. Uss survegnan gist quella vischnanca sustegn da las iniziantas e dals iniziants da la «Pro Rumantsch». La grupp cun otg persunas da tut las regiuns dal Grischun su-

stegna il rumantsch grischun e cunzunt la lingua unificgada per tut las emprimas classas primaras. Cun il manifest en l'internet vul la grupp confermar che en la Rumantschia datti bleras persunas che èn fitg aviertas per il rumantsch grischun en scola. Il manifest duai dentant segir era esser in segn per la regenza grischuna e per il parlament da noss chantun, quai che perutga l'avegnir da la lingua unificgada per l'emprima classa en la Rumantschia.

## Ina plivalur

Las iniziantas ed ils iniziants che sustegnan il rumantsch grischun en scola vulan en nagins cass ch'ils idioms svaneschan en las regiuns rumantschas da noss chantun. Cun introducir ina lingua unificgada vegna il rumantsch plitost rinforzà. Il rumantsch grischun haja creà in spiert da cuminanza che cumpiglia Rumantschas e Rumantschs da tut ils idioms e da tut ils lieus. Dapli prest 30 onns haja la quarta lingua naziunala svizra ina plivalur grazia al rumantsch grischun, ha ditg *Maria Cadruvi*, ina da las iniziantas



dal manifest. Tar ina da las iniziants da la «Pro Rumantsch» tutga era *Claudia Cadruvi*, la schurnalista ed autura sursilvan, che viva ad Uznach. Il rumantsch grischun saja ina lingua simpla, cun ina logica e cunzunt ina lingua moderna. «Perquai ch'adina dapli fan quella experiencescha èsi prudent d'introducir uss pass per pass il rumantsch grischun en scola», ha ditg la Sursilvana. Per in uffant che cumenza a scriver, na gioghi betg ina rolla, sch'el emperda rumantsch grischun u l'idiom, ha accentuà la mamma da trais uffants.

## Investir il temp en il svilup dal rumantsch grischun

Gion-Andri Cantieni è in ulteriur iniziante da la «Pro Rumantsch». El è da l'idea d'investir noss temp en il svilup dal rumantsch grischun, da dar a quel la charn che blers pretendan ch'ella manca e far in pass en direcziun dad ina Rumantschia, empè da puspè duvrar 50 onns per sa cumbatter. *Romano Plaz*, l'antier president da l'Uniu Rumantscha da Surmeir, appertegna er a la

grupp che sustegna il rumantsch grischun en scola. La lingua unificgada, la lingua coordinativa, ditg auter il rumantsch grischun unescha la meglra enclegientscha tranter ils divers idioms rumantschs senza d'avair da far adiever dad otras linguas. Per *Gian Peder Gregori*, in ulteriur iniziante dal manifest èsi cler che en ina societad da comunicaziun moderna d'ozendi dovra mintga cuminanza linguistica ina lingua da standard cuminaivla per la comunicaziun scritta. Rumantsch grischun saja la suletta varianta che vegn en dumonda sco varianta da standard per la Rumantschia. Era *Silvia Demarmels*, l'impressaria da Salouf, è ina da quella persunas che sustegna l'introducziun dal rumantsch grischun en scola. Tar in inscunter cun il levant ser *Duri Loza* haja quel detg: «Ja va fatg en zap vers igl rumantsch grischun ed ia sung letg tgi gl'onn betg calo da sa vischinar ed ia sung led tgi s'angaschan pigl rumantsch grischun.» S'angaschar e sustegnair la lingua unificgara quai pon tuts quels che vulan cun visitar la pagina d'internet: [www.prorumantsch.ch](http://www.prorumantsch.ch).

## PRO RUMANTSCH

### Quatter dumondas – quatter respostas

#### 1. Dovra la Rumantschia il Rumantsch Grischun?

En la societad da comunicaziun moderna d'ozendi dovra mintga cuminanza linguistica ina lingua da standard cuminaivla per la comunicaziun scritta. Rumantsch grischun è la suletta varianta che vegn en dumonda sco varianta da standard per la Rumantschia.

#### 2. Duai il Rumantsch Grischun avair ina utilisaziun ed ina derasaziun uschè vasta sco pussaivla?

Sch'ina lingua da scrittira cuminaivla duai ademplir sias funziuns ed avair effect, sto ella vegnir duvrada en tut ils secturs dal mitgadi e cuntanscher in'adiever vast ed ina funcziun cumplexiva sco med da comunicaziun. Mo sco lingua placativa è in standard cuminaivel in luxus e pauc raschunavel.

#### 3. Duai il Rumantsch Grischun vegnir instrui ed emperndi en scola?

In'utilisaziun vasta ed ina preschientscha effizienta d'ina lingua da standard cuminaivla èn d'ina vart mo pussaivlas, sche questa lingua vegn emperndida da tuts en scola. E da l'autra vart è in'introducziun da la varianta da standard sco lingua da scola mo pussaivla, sche la lingua da standard vegn duvrada en adina dapli secturs da la comunicaziun scritta.

#### 4. Co duai il Rumantsch Grischun vegnir instrui ed emperndi en scola?

L'introducziun en scola da sutensi, q.v.d. cun l'alfabetisaziun en la lingua da standard, è evidentamain la meglra soluziun ord vista pedagogic-linguistica.

I na fa nagin senn da confruntar ils uffants cun duas variantas scrittas da la medema lingua.

I na fa era nagin senn d'avair a disposiziun duas variantas da la medema lingua per la comunicaziun scritta, ina regiunala ed ina surregiunala.

*Gian Peder Gregori*